

Испытайте и уразумейте, кто от воснавших в святыни и монастырей съоруживших попечение створи когда села приложити своему монастырю, или царю или княземь моление створи<sup>37</sup> о лготе или о обиде подлежащих ему селянех, или прою име<sup>38</sup> к неким о пределах земных, или бичем мучи<sup>39</sup> плоти человеческыа, или юзами сих обложю,<sup>40</sup> или о истязании лихв имения их отъять, якоже ныне дръзають без страха, иже святых и чудотворцов мнящих себе? Рците нам, аще имате. Но не можете рещи. Ниже бо Пахомий, ниже и Еуфимий, ниже Сава, ниже Феодосий, ниже Герасим, ниже и в Афоньстей горе яко же аггел воснавый в святыни Афонасий, ниже

л. 274 сами удръжаша сицевое что, ниже бывшим || по себе повелеша, паче же спротивно. Аще и трудолюбно в житиа их<sup>41</sup> приникше, обрящеши их<sup>42</sup> последну нищету возлюбивших,<sup>43</sup> яко многожды и дневнаго хлеба оскудевших; и обаче сице скудне имевших николи же запустеша священни их монастыри, скудости ради нужных, но и паче возрастаху и поспешествоваху во всех и умножахуся, своими руками трудающесе и хлеб свой ядуще в поте лица своего, по заповеди, а не в чюже руже възряху, и<sup>44</sup> христианьскими кровми себе утучняху, ниже лихвами съкровиствоваху себе съкровища на земли, яко же ныне творящеи себе чудотворцов законопологають, не стыдящесе, ниже боящесе страшнаго суда божиа. Иже отнудь отвргъшесе страха божиа и своего спасения, повелевают бесчадно мучити и казньми различными истязати неудоь отдающих монастырския долги, — обаче не внутрь монастыря, но вне пред враты негде. Нечто бо безрешно возмниша, еже вне монастыря казнити христианина.

л. 274 об. Но, о законоположителю, || паче же<sup>45</sup> законопреступниче! Аще отнудь<sup>46</sup> грех възмниши<sup>47</sup> иже внутрь монастыря<sup>48</sup> мучити<sup>49</sup> братий,<sup>50</sup> тои иже вне мучити грех есть. Почитаемого бо в монастыре бога область не в месте огражается; в руже бо его конци земля. Откуда бо отнудь приал еси власть бити<sup>51</sup> христиан бесчадно<sup>52</sup> братий, наипаче о неправедных истязаний? Коль ты добр хранитель евангильскихъ заповедей и апостольскихъ правил! Господь заповедает тебе не противуступати<sup>53</sup> лукавому, но аще кто ударить тя в десную ланиту, обрати ему и другую; и хотящему с тобою судитися и ризу отняти оставити<sup>54</sup> ему и срачицу, и просящему у тебе дати,<sup>55</sup> и не отвратиси хотящаго у тебе займовати, и<sup>56</sup> в заим давати,<sup>57</sup> от нихже не чаеши восприяти. Ты же, аки съпротиву стоати<sup>58</sup> заповедей сих, вся спротивно узаконяеши, и что ино еси, разве антихрист, сииречь спротивник Христов? <sup>59</sup> Кто убо ум имея не възплачется видя<sup>60</sup> твое безумие? Господь повелевает ти и биющаго тя не противубити, но и боле||бьение от него приимати с всяким тръпениемь и кротостию. Ты же велиши и неповинных мучити и расхищати имениа их о лихве займований, господу глаголющу<sup>61</sup> в заим давати,<sup>62</sup> от нихже не чаеши восприяти. Коль добра твоя<sup>63</sup> учения, о учителю безакониа! Како добре с Христом збираеши? <sup>64</sup> Горе, горе! <sup>65</sup> Ниже убоялся еси господьскаго запрещения, глаголющаго: «Иже аще разорить единому от заповедей сих меньших и <sup>66</sup> научит сице, мний наречется во царство небесное»,<sup>1</sup> сииречь последний ввержен в геене. «Не бо во царство небесное внидет, рече Златоуст, не буди, рече, но царство zde възкресение разумей». И сия убо сице.

<sup>1</sup> Матф. 5, 19.

<sup>37</sup> сътвориша  $C_1C_2C_3$ . <sup>38</sup> имети  $C_1C_2C_3$ . <sup>39</sup> мучити  $C_1C_2C_3$ . <sup>40</sup> обложити  $C_1C_2C_3$ .  
<sup>41</sup> Так  $C_1C_2C_3$ ; в ркп. житиах. <sup>42-43</sup> последнею нищетою поживших  $C_1C_2C_3$ .  
<sup>44</sup> ниже  $C_1C_2C_3$ . <sup>45</sup> Доб. рещи  $C_1C_2C_3$ . <sup>46-47</sup> Так  $C_1C_2C_3$ ; в ркп. превозмниши.  
<sup>48</sup> Нет  $C_1C_2C_3$ . <sup>49</sup> Доб. христиан  $C_1C_2C_3$ . <sup>50</sup> Доб. наших  $C_1C_2C_3$ . <sup>51</sup> бесчадно мучити  $C_1C_2C_3$ .  
<sup>52</sup> Нет  $C_1C_2C_3$ . <sup>53</sup> противустояти  $C_1C_2C_3$ . <sup>54</sup> остави  $C_1C_2C_3$ .  
<sup>55</sup> дай  $C_1C_2C_3$ . <sup>56-57</sup> Так  $C_1C_2C_3$ ; ркп. займовати. <sup>58</sup> стоя  $C_1C_2C_3$ . <sup>59-60</sup> Так  $C_1C_2C_3$ ; в ркп. что убо ум не восплачется. <sup>61-62</sup> Так  $C_1C_2C_3$ ; в ркп. займовати.  
<sup>63</sup> Нет  $C_1C_2C_3$ . <sup>64-65</sup> Нет  $C_1C_2C_3$ . <sup>66</sup> В ркп. доб. не.